

Aen Hoih 《Hawfwen Vangjloz Bouxcuengh Yenzgiu》Cwngzgoj Baugau Nem Hawfwen Vangjloz Yenzdauj Youq Nanzningz Hai

《壮族网络歌圩研究》成果报告暨网络歌圩研讨会在南宁举行

Bonjbauq siusik(gicej Veiz Yennaz/韦愿娜) Vihliux fazcanj caeuq fanzyungz vwnzva hawfwen vangjloz Bouxcuengh, doidoengh gij hong gohyenz cwngzgoj seveiva caeuq sevei gohyoz gohbuj, 12 nyied 19 hauh, Gvangsih Minzcuz Fazcanj Yenzgiuvei、Gvangsih Segohyen Gohyenzcu、Gvangsih Segohyen Minzcuz Yenzgiusoj lienzhab youq Nanzningz hai Aen Hoih 《Hawfwen Vangjloz Bouxcuengh Yenzgiu》Cwngzgoj Baugau Nem Hawfwen Vangjloz Yenzdauj. Gvangsih Vwnzlenz、Gvangsih Minzcuz Dayoz、Gangsih Dayoz、Gvangsih Segohyen、Gvangsih Segohlenz、Gvangsih Sanhgoh Hezvei daengj mizgven lingjdauj、boux lauxhangz gyausou caeuq canghfwen gungh 60 vunz camgya aenhoih.

Gvangsih Minzcuz Fazcanj Yenzgiuvei misuhcangj、Gvangsih Segohyen Minzcuz Yenzgiusoj fuyenzgiuyenz Yangz Canghyungz daihyauj cujgoqdaez guh daezmoeg dwg 《Hawfwen Vangjloz Bouxcuengh Yenzgiu》cwngzgoj baugau.

Hawfwen vangjloz Bouxcuengh dwg ginzcung Bouxcuengh caux ok gij cwngzgoj moq Fwencuengh vwnzva, de youq gij giekdaj conzdungj Fwencuengh gwnzde, yungh gisongih vangjloz bingzdaiz, daeuj eu fwen doiq fwen, gig miz seizdaih daegdiemj. Neiyungz de miz fwenyox、fwen angqhoh、fwen guhhong、fwen gyaudoeng gveihcwz、fwen gohbuj、fwen giva senglwg daengj, caeuq neiyungz fwen conzdungj Bouxcuengh ityiengh.

Rag hawfwen vangjloz Bouxcuengh maj youq gwnz dieg Mbanjcuengh, gig miz minzcuz daegsaek caeuq deihfueng daegsaek. Fazcanj caeuq fanzyungz vwnzva hawfwen vangjloz Bouxcuengh, doiq lozsiz 《Gij Gietdingh Lai Aen Vwndiz Cunghung Cunghyangh Gvendaengz Gyalaez Vwnzva Dijci Gaijgwz Doidoengh Seveicujyi Vwnzva Fazcanj Hung Fanyungz Hoengh》neix, doiq gensez Gvangsih minzcuz vwnzva dieg ak aen canloz muzbyauh neix, gig miz cung' yau yienhsaed yiye caeuq lijun yiye.



▲Yienhciengz aenhoih hawfwen vangjloz yenzdauj.



▲Canghfwen mehmbwk langhsing eu fwen.



▲Canghfwen bouxsai sing fwen foksaesae.



▲Gyoengq canghfwen youq gwnz hoih doiq fwen mizyinx dangqmaz.

Yungzanh: 《Bonjsaw Son' gyauq Hagseng Ngamq Haeujhag》Ndaej Saeseng Maijgyaez

融安: 《新生入学教育读本》受师生欢迎

Yungzanh Yen Yungzanh Gauhcungh vihliux engq ndei gvancez 《Guekgya Gihcuj Gyauyuz Gocwngz Gaijgwz Ganghyau》, cienzmienh doicaenh bujdungh gauhcungh gocwngz gaijgwz, genhciz aen yenzcwz cienziep caeuq cauxmoq doxgiethab, gaengawq seizneix gyauyuz fazcanj yauhgiuz, yawjnaek hagseng cauxmoq naengzlig caeuq sizcenj naengzlig, doengzseiz, daj bonjdieg saedsaeh bae guh, coihgaij roxnaeuz biensij gij gocwngz fueng'anq caeuq gyaucaiz miz seizdaih daegdiemj, hab hagdangz banh hag daegsaek haenx, leihyunggh gij gocwngz swhyenz seizneix, sonyinx hagseng hag damqcaz、lai caeuq doengzhag lauxsae gyauhliuz, beiz-yangj hagseng damqcaz naengzlig, daezsang hagseng gohyoz suyangj, coicaenh hagseng cienzmienh fazcanj.

Ginggvaq bi lai damqra、siz-cenj, Yungzanh Gauhcungh yaubwnj



▲Hagseng youq ban "saedyungh meijsuz" hagsib sijveh.

gocwngz haifat nangqdaengz 8 aen yozgoh 30 monz gocwngz, gocwngz hamz dwzyuz fazgveih、ndangdaj cangq、yinzvwnz suyangj、gohyoz

suyangj、yisuz siuhyangj、saenqsik gisuz、swnghag fujdauj、swnghhoz ginwngz daengj. Yaubwnj gocwngz neiyungz lai, gaenh saedsaeh, gig

ndaej daengz saeseng maijgyaez.

(Veiz Cujswz Yangz Mingzfwnh /韦祖祠 杨明芬)



▲Hagseng youq aen ban "mizyinx vayoz sizyen"guh sizyen.